



Sarajevo, 03.06.2021. godine

Broj: I-63/21

**FEDERALNO MINISTARSTVO FINANSIJA  
(N/R JELKA MILIĆEVIĆ, MINISTRICA)**

**PREDMET:** Zahtjev za organizovanje sastanka

Poštovana ministrice,

**Molimo vas da primite predstavnike Udruženja poslodavaca FBiH na sastanak na kojem bismo razgovarali o mišljenju Federalnog ministarstva finansija u vezi sa primjenom novog Zakona o računovodstvu i reviziji u FBiH („Službene novine Federacije BiH“, broj: 15/21).**

Naime, u posjedu smo nekoliko mišljenja Ministarstva koja su proizvela određene probleme i otvorila brojna pitanja domaćim kompanijama koje su članice grupacija i koje se u poslovanju oslanjaju na podršku svojih matičnih kompanija čije je sjedište izvan BiH.

Domaće kompanije koje imaju organiziranu računovodstvenu funkciju i sve potrebne resurse za pravilno, kvalitetno i efikasno obavljanje računovodstvenih poslova, te zapošljavaju lica kojima se povjerava vođenje poslovnih knjiga i sačinjavanje finansijskih izvještaja i koja ispunjavaju i druge uslove utvrđene zakonom i općim aktom pravnog lica, postavile su upit Federalnom ministarstvu finansija da li se mogu osloniti na podršku matične kompanije, odnosno da li pomoćni poslovi poput unosa ulaznih faktura, skeniranja, unosa podataka, mogu da se obavljaju u matičnoj kompaniji, izvan BiH.

Ministarstvo je po ovom pitanju zauzelo stav da računovodstvene usluge ne može obavljati niko ko nije upisan u Registar Federalnog ministarstva finansija, u skladu sa odredbama Pravilnika o sadržaju i načinu vođenja registra kvalificiranih lica i registara pravnih lica i poduzetnika koji pružaju knjigovodstvene i računovodstvene usluge FBiH („Službene novine Federacije BiH“, broj: 28/21).

Jasno nam je upotpunosti da se računovodstvenom funkcijom može baviti samo neko ko je, u skladu sa Pravilnikom, upisan u Registar Federalnog ministarstva finansija, odnosno zapošljava kvalificirane (licencirane) osobe, koje su odgovorne za tačnost i ispravnost finansijskih izvještaja,

Udruženje poslodavaca u Federaciji BiH

Mula Mustafe Bašeskije 12/3, 71000 Sarajevo - Bosna i Hercegovina

Tel: +387 33 264 830 / Tel/fax: +387 33 552 461 / info@upfbih.ba

ali obzirom da se ovdje i ne radi o računovodstvenim, već pomoćnim poslovima obrade podataka nije nam jasan ovakav stav Ministarstva.

Novi Zakon o računovodstvu i reviziji ne uvodi bitne promjene u odnosu na ranije važeći Zakon, kada je u pitanju definicija računovodstvenih poslova, organizacija računovodstvene funkcije i odgovornost za tačnost i istinitost finansijskih izvještaja. Potpuno su jasni uslovi propisani Pravilnikom o sadržaju i načinu vođenja registra kvalificiranih lica i registara pravnih lica i poduzetnika koji pružaju knjigovodstvene i računovodstvene usluge FBiH, ali nam nije jasno po kojem propisu bi pravnom subjektu koji ispunjava sve propisane uslove bilo zabranjeno da se u obavljanju rutinskih aktivnosti i pomoćnih poslova obrade i organizacije podataka oslanja na pomoć matične kompanije, koja je u poziciji da te poslove obavi brzo, tačno i efikasno, uz minimalne troškove.

Uvjereni smo da namjera Ministarstva nije bila da se kompanijama nametnu dodatni troškovi i opterećenja, već da je došlo do nerazumijevanja, jer se ovdje ne radi o obavljanju računovodstvenih poslova, već je riječ o pomoćnim poslovima čije obavljanje u matičnim kompanijama doprinosi bržem i efikasnijem poslovanju.

S tim u vezi, željeli bismo vas detaljnije upoznati sa problemima sa kojima se susreću poslodavci koji su posljedica mišljenja Ministarstva. Uvjereni smo da ćemo zajednički pronaći rješenje, jer ukoliko se ovakva mišljenja ne povuku, poslodavcima će biti prouzrokovane nesagledive štete.

Pored navedenog problema, na sastanku bismo razgovarali i o drugim otvorenim pitanjima, kao što je pitanje rada certificiranih računovođa koji su zaposleni u Društvima kojima nije isključiva djelatnost pružanje računovodstvenih usluga.

Nadamo se da ćete shvatiti značaj navedenog problema i omogućiti zajednički sastanak, kako je i predloženo. **Molimo vas da predložite način održavanja sastanka i termin koji vama odgovara i blagovremeno nas obavijestite o istom.**

Za sve dodatne informacije stojimo vam na raspolaganju.

Srdačno,

Direktor  
Mladen Pandurević



Udruženje poslodavaca u Federaciji BiH

Mula Mustafe Bašeskije 12/3, 71000 Sarajevo - Bosna i Hercegovina

Tel: +387 33 264 830 / Tel/fax: +387 33 552 461 / info@upfbih.ba